

स॒तीनां । रु॒द्रः प॒शूनां । वृ॒ह॒स्पति॑र्वा॒चां । इ॒न्द्रो॒ज्येष्ठा॒-
नां । मि॒त्रः स॒त्यानां ॥ १ ॥

वरु॑णो॒धर्म॑पतीनां । ए॒तदे॒व स॒र्वं भ॑वति । स॒वि॒ता
त्वा प्र॑स॒वानाः सु॑वतामि॒ति ह॑स्तं गृह्णा॒ति प्र॑सू॒त्यै । ये
दे॒वादे॒वसु॑वः स्थे॒त्याह । य॒था य॒जुरे॒वैत॑त् । म॒ह॒ते क्ष॒चाय॑
म॒ह॒त॒आधि॑प॒त्याय॑ म॒ह॒ते जा॑न॒राज्या॑ये॒त्याह । आ॒शि॒-
षमे॒वैता॑माशास्ते । ए॒ष वो॑भर॒ता रा॒जा सो॒मोऽस्माकं॑
ब्रा॒ह्म॒णानाः॑ रा॒जे॒त्याह । तस्मा॑त् सोम॒राजा॑नोब्राह्म॒-
णाः । प्र॒ति॒त्यन्ना॑म॒ रा॒ज्यम॑धा॒यी॒त्याह ॥ २ ॥

रा॒ज्यमे॒वास्मिन्॑ प्र॒ति॒द॒धा॒ति । स्वा॒न्त॒नु॒वं वरु॑णो॒अ॒-
शि॒श्रेदि॒त्याह । वरु॑ण॒स॒वमे॒वावरु॑ण्ये । शु॒चे॒र्मि॒त्रस्य॑ ब्र॒-
त्या॒अभू॑मे॒त्याह । शु॒चिमे॒वैनं॑ ब्र॒त्यं क॑रोति । अ॒म॒न्म॑हि
म॒ह॒त॒कृ॒तस्य॑ ना॒मे॒त्याह । म॒नु॒त॒ए॒वैनं॑ । स॒र्वं ब्रा॒ता
वरु॑णस्याभू॒वन्नि॒त्याह । स॒र्वं ब्रा॒तमे॒वैनं॑ क॑रोति । वि॒मि॒-
च॒रावै॑र॒राति॑म॒तारी॒दि॒त्याह ॥ ३ ॥

अ॒रा॒तिमे॒वैनं॑ ता॒रय॑ति । अ॒सू॒षु॒दन्त॑ य॒ज्ञिया॑ कृ॒ते॒-
ने॒त्याह । स्व॒द॒य॒त्ये॒वैनं॑ । व्यु॒चि॒तो ज॑रि॒माण॑न् आ॒न॒डि॒-
त्याह । अ॒यु॒रे॒वास्मि॑न्द॒धा॒ति । द्वा॒भ्यां वि॑मृ॒ष्टे । द्वि॒पा॒-
द्य॑ज॒मानः॑ प्र॒ति॒ष्ठि॒त्यै । अ॒ग्नी॒षो॒मीय॑स्य॒ चैका॑द॒श॒क॒पा॒-